



Húsavík 26. ágúst 2022

## Raufarhafnarhöfn.

### Áætlun um móttöku og meðhöndlun úrgangs og farmleifa frá skipum og bátum.

Raufarhafnarhöfn samanstendur af fimm viðleguköntum upp á 500 metra samtals, og telst vera meðalstór fiskihöfn.

Á Raufarhöfn eru að meðaltali um 20 smábátar í rekstri yfir flesta mánuði ársins. Einn til tveir stærri bátar landa þar yfir afmarkað tímabil á árinu en fer eftir fiskgegnd á nærmiðum. Eitt saltskip hefur komið á ári til Raufarhafnar en hefur ekki losað sorp né annan úrgang.

Á hafnarsvæðinu eru staðsett tvö ílát fyrir úrgang, farmleifar og spilliefni.

Eitt 4,8 m<sup>3</sup> lokað og læsanlegt sorpílát og eitt opið eru staðsett á löndunarbryggju. Ílátin eru ætlaðuð undir blandað sorp, umbúðir, plast og timbur.

Einn 200. Ltr. Safntankur fyrir olíu og þess háttar spilliefni er staðsettur í innri höfn / smábátalægi. Ílát undir smursiur eru við þjónustumiðstöð þorpsins og eru tvær 200l lokaðar tunnur, ásamt því er á sama stað söfnunarsvæði fyrir rafgeyma

Raufarhafnarhöfn tekur ekki á móti skólpi frá skipum og bátum. Komi upp þær aðstæður að skip eða bátar þurfi að losna við skólp er hægt að útvega dælubíl að skipshlið sem tekið getur á móti skólpinu.

Hafnarvörður fer yfir reglur um umgengni, umhirðu og notkun allra förgunarílata með þeim aðilum sem heimild er veitt til að nota þau þegar lykjar eru afhentir að ílátunum. Hafnarvörður hefur reglulegt samráð við notendur móttökuaðstöðu með það að leiðarljósi að aðstaðan sé notuð eins og til er ætlast. Hafnarvörður sér síðan um daglegt eftirlit og eftirfylgni með umgengni á öllu hafnarsvæðinu og tryggir að ílátin séu rétt notuð.

Hafnarvörður tekur á móti kvörtunum og athugasemdum varðandi vanbúnað á móttökustöðum hafnarinnar og bregst við á viðeigandi hátt sé þess nokkur kostur. Einnig geta viðskiptavinir lagt inn formlegt erindi til framkvæmda og hafnanefndar sem tekið verður fyrir á næsta fundi nefndarinnar þar á eftir. Ef skipstjóri, eigandi eða umboðsmaður skips eða aðrir notendur hafnarinnar vilja koma á framfæri ábendingum um hvað betur má fara eða bera fram kvartanir vegna þjónustu hafnarinnar, s.s. vegna ófullnægjandi móttökuaðstöðu fyrir úrgang, skal viðkomandi snúa sér til hafnarstarfsmanna. Einnig getur viðkomandi sent inn skriflegt erindi eða kvörtun til hafnarstjóra (á þar til gerðu eyðublaði ef það er til staðar) á netfangið port@nordurthing.is. Brugðist verður við ábendingum og kvörtunum eins fljótt og kostur er.

Telji viðkomandi umkvörtunarefnið vera þess eðlis að vekja þurfi athygli umhverfisyrvalda á því, ber honum að senda athugasemd til Umhverfisstofnunar. Ábendingum um ófullnægjandi móttökuaðstöðu í höfnum má koma á framfæri við Umhverfisstofnun með því að fylla út þar til gert eyðublað á heimasíðu stofnunarinnar:

<http://ust.is/atvinnulif/haf-og-vatn/mengun-fra-skipum/#Tab4>)

Eyðublaðið er einnig að finna á enskri útgáfu á heimasíðunnar:

<https://www.ust.is/default.aspx?pageid=504d0e73-421b-11e7-941e-005056bc2afe>

Formeðferð á úrgangi og farmleifum fer ekki fram hjá Raufarhafnarhöfn að öðru leiti en því að höfnin leggur til ílát undir allar þær gerðir af úrgangi, farmleifum og spilliefnum sem tekið er á móti hjá höfninni.

Notendur hafnarinnar eru nær eingöngu fiskiskip og skemmtibátar og falla því ekki undir 5. gr. reglugerðar nr. 1200/2014. Í þeim tilvikum þar sem tekið er á móti úrgangi og farmleifum frá skipum sem falla undir 6. gr. reglugerðarinnar eru lögð til sérstök ílát sem vigtuð eru sérstaklega og sorpgjald lagt á viðkomandi í samræmi við gerð og magn úrgangs. Gjaldinu er ætlað að standa undir förgunarkostnaði.

Viðskiptavinir og eða þjónustuaðilar skipa og báta sjá að öllu jöfnu sjálfir um að koma úrgangi, farmleifum, olíu og spilliefnum fyrir í viðkomandi ílátum og eru ábyrgir gagnvart hafnarverði að ílátin séu nýtt eins og fyrirmæli hans segja til um og samkvæmt áætlun þessari.

Allur úrgangur, farmleifar og sorp er flutt samkvæmt beiðni hafnarvarðar af þjónustuaðila íláta Íslenska gámafélagsins ehf að Víðimóum 3. 640 Húsavík til förgunar.

Móttaka fyrir rafgeymar, rafhlöður og þess háttar spilliefni er við þjónustustöð þar sem gengið er frá þeim til flutnings á viðurkenndan förgunarstað. samkvæmt reglugerð nr. 806/1999 um spilliefni.

Olía, smursiur og þess háttar úrgangur er losaður samkvæmt beiðni hafnarvarðar af viðurkenndum aðila sem er Íslenska gámafélagið ehf. Heildarlosun Raufarhafnarhafnar á blönduðum úrgangi, farmleifum, spilliefnum á ári er um það bil 2.000. kg. U.þ.b. 1.500 kg. af blönduðu sorpi, u.þ.b. 100 kg. af rafgeymum og u.þ.b. 400 kg. af olíum og öðrum spilliefnum. Allar tilkynningar um magn og losun sorps og farmleifa eru geymdar hjá hafnaryfirvöldum og upplýsingar skráðar á skýrslu UST.

Viðskiptavinum hafnarinnar sem nýta sér þessa þjónustu er gert að greiða sorpgjald sem innheimt er mánaðarlega. Gjald þetta fer hverju sinni eftir ákvörðun hafnarstjórnar og er samþykkt af sveitarstjórn. Gjaldinu er ætlað að standa undir kostnaði við móttöku, losunar og förgunarkostnaði hverju sinni. Gjaldtaka er samkvæmt gildandi gjaldskrá hverju sinni og er hún birt á heimasíðu Norðurþings.

[https://www.nordurthing.is/static/files/gjaldskrar/2019/gjaldskra\\_april\\_2019\\_samthykkt.pdf](https://www.nordurthing.is/static/files/gjaldskrar/2019/gjaldskra_april_2019_samthykkt.pdf)

Aðstaða hafnarinnar er í samræmi við 11 gr. Laga um varnir gegn mengun hafs og stranda 2004 nr.33 7.maí.

Áætlun þessi byggir á reglugerð nr. 1200/2014 um móttöku á úrgangi frá skipum, með stoð í lögum nr. 33/2004 um varnir gegn mengun hafs og stranda. Lög nr. 55/2003 um meðhöndlun úrgangs. Reglugerð nr. 801/2004 um varnir gegn sorpmengun frá skipum. Reglugerð nr. 1201/2014 um gjaldtöku í höfnum vegna losunar, móttöku, meðhöndlunar og förgunar úrgangs og farmleifa frá skipum, Reglugerð nr. 737/2003 um meðhöndlun úrgangs og reglugerð nr. 806/1999 um spilliefni, með síðari breytingum. Reglugerð nr. 809/1999 um olíuúrgang, með síðari breytingum. Samkvæmt 5. gr. reglugerðarinnar skal áætlunin endurskoðuð á þriggja ára fresti eða ef meiriháttar breytingar verða á rekstri hafnarinnar. Næsta endurskoðun skal fara fram eigi síðar en árið 2021.

Tilgangurinn með gerð áætlunarinnar er að koma í veg fyrir mengun og stuðla að því að lágmarka áhættuna af því að úrgangur geti borist út í umhverfið.

Tengiliðir:

Hafnasjóður Norðurþings:

Sér um eftirlit og utanumhald með móttöku sorps og farmleifa af skipum og bátum, sorpólátu, skráningum og skýrslugerðum vegna sorps og farmleifa. Hafnarstjóri ber ábyrgð á að áætlun þessari sé framfylgt.

Íslenska gámfélagið:

Sjá um alla förgun á sorpi og úrgangi frá Raufarhafnarhöfn. Þegar SafeSeaNet tilkynningar berast er farið yfir tilkynningarnar og athugað hvort tilkynningin er rétt útfyllt og hvort skila eigi úrgangi í land. Ef misræmi er í upplýsingum í tilkynningu eða hún rangt útfyllt, er haft samband við skipstjóra/umboðsmann skips og farið fram á að send verði ný leiðrétt tilkynning.

Ef fyrirhugað er að setja úrgang eða farmleifar í land er brugðist við með viðeigandi hætti. Þegar misræmi er milli þess sem kemur fram í tilkynningu og raunverulegu magni úrgangs sem sett er í land þá gerir hafnarstarfsmaður athugasemd við skipstjóra/umboðsmann skips og fer fram á leiðréttingu. Ef misræmi er ítrekað hjá sama skipi eða tilkynning rangt útfyllt þá tilkynnir hafnarstarfsmaður það til Umhverfisstofnunar eða Samgöngustofu (hafnarríkiseftirlits).

Það er mat hafnastjórnar og starfsmanna hafnarinnar að aðstaða sú sem boðið er upp á athafnasvæði Raufarhafnarhafnar uppfylli öll þau skilyrði sem sett eru í reglugerðinni miðað við þá umferð sem er um höfnina í dag. Aðstaða sorpmóttöku mun taka breytingum miðað við aukin umsvif og kröfur.

---

*Þórir Örn Gunnarsson.*

*Hafnarstjóri*